

**სახელმწიფო შესყიდვის შესახებ
ხელშეკრულება №287**

ქ. ბათუმი

13 ოქტომბერი, 2022 წელი

ერთი მხრივ საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტი (შემდგომში „შემსყიდველი“/„ბსუ“), წარმოდგენილი ადმინისტრაციის ხელმძღვანელის იაკინთე ჩხარტიშვილის სახით და მეორე მხრივ შპს „ლეგიონი“ (შემდგომში „მიმწოდებელი“), წარმოდგენილი დირექტორის გოირგი დოლბაიას სახით, „სახელმწიფო შესყიდვების შესახებ“ საქართველოს კანონის და „მიმწოდებლის“ სატენდერო წინადადების საფუძველზე, შემსყიდველის მიერ ჩატარებული ელექტრონული ტენდერის (სატენდერო განცხადება №NAT220018920) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვების შესახებ“ (შემდგომში - „ხელშეკრულება“) შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით, ასევე მთელი დოკუმენტაცია, რომელზეც ხელშეკრულებაში არის მინიშნებები;
- 1.2. „ხელშეკრულების ღირებულება“- ნიშნავს საერთო თანხას, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულების სრული და ზედმიწევნით შესრულებისათვის;
- 1.3. „შემსყიდველი“- ორგანიზაცია, რომელიც ახორციელებს შესყიდვას;
- 1.4. „მიმწოდებელი“- პირი რომელიც ახორციელებს სამუშაოს მოცემული ხელშეკრულების ფარგლებში;
- 1.5. „დღე“. „კვირა“, „თვე“ - კალენდარული დღე, კვირა, თვე;
- 1.6. „სამუშაო“- ხელშეკრულების მე-2 მუხლით გათვალისწინებული ხელშეკრულების საგანი;
- 1.7. „შესასრულებელი სამუშაოების ხარჯთაღრიცხვა“- მიმწოდებლის მიერ ელექტრონული ტენდერის ფარგლებში წარმოდგენილი „შესასრულებელი სამუშაოების ხარჯთაღრიცხვა“, რომელიც თან ერთვის ხელშეკრულებას და წარმოადგენს მის განუყოფელ ნაწილს;

2. ხელშეკრულების საგანი

- 2.1. წინამდებარე ხელშეკრულების თანახმად, მიმწოდებელი ვალდებულია განახორციელოს საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის შენობის, ქ. ბათუმში, რუსთაველი/ნინოშვილის ქ. №32/35-ში მდებარე ეზოს სრული სარეაბილიტაციო სამუშაოები (CPV:45200000) (შემდგომში - სამუშაოები და/ან ობიექტი) წინამდებარე ხელშეკრულების და მისი დანართების შესაბამისად.
- 2.2. შესასრულებელი სამუშაოების ღირებულება განისაზღვრება ხარჯთაღრიცხვით, რომელიც გაფორმებულია ხელშეკრულების დანართის სახით.
- 2.3. მიმწოდებელი ვალდებულია სამუშაოები განახორციელოს წინამდებარე ხელშეკრულებით, ტექნიკური პირობით და ხარჯთაღრიცხვით განსაზღვრული პირობების შესაბამისად.
- 2.4. ხელშეკრულების დანართები თან ერთვის წინამდებარე ხელშეკრულებას და წარმოადგენენ მის განუყოფელ ნაწილებს.
- 2.5. მიმწოდებელი ვალდებულია სამუშაოები განახორციელოს საკუთარი მასალით, რისკით, ძალებით, ხელსაწყოებითა და მექანიზმებით.

3. ხელშეკრულების ღირებულება

3.1. ხელშეკრულების მთლიანი ღირებულება შეადგენს 518952,88 (ხუთას თვრამეტი ათას ცხრაას ორმოცდათორმეტი ლარი და 88 თეთრი) ლარს.

3.2. ამ მუხლის 3.1. პუნქტში მითითებული ხელშეკრულების ღირებულება საბოლოოა და შეიცვლება მხოლოდ მხარეთა შეთანხმებით კანონით დადგენილ შემთხვევებში. იმ შემთხვევაში, თუ შემცირდება შესასრულებელი სამუშაოების მოცულობა, პროპორციულად შემცირდება ხელშეკრულების ღირებულება, მხარეთა შორის წერილობითი შეთანხმების დადების გარეშე.

3.3. ხელშეკრულების ღირებულება მოიცავს ხელშეკრულებით გათვალისწინებული სამუშაოების განხორციელებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებსა და გადასახდელებს.

4. ანგარიშსწორების ფორმა და პირობები

4.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით, საქართველოს ეროვნულ ვალუტაში.

4.2. შემსყიდველი ანგარიშსწორებას ახორციელებს შემდეგი წესის შესაბამისად:

ა) ეტაპობრივად, ფაქტიურად შესრულებული სამუშაოების ხელშეკრულების მე-5 მუხლით განსაზღვრული წესით მიღებიდან 10 (ათი) სამუშაო დღის განმავლობაში;

ბ) საბოლოო ანგარიშსწორება განხორციელდება, წინამდებარე ხელშეკრულებით გათვალისწინებული წესით, შესრულებული სამუშაოების საბოლოო მიღება-ჩაბარების აქტის გაფორმებიდან 10 (ათი) სამუშაო დღის ვადაში.

4.3. მიმწოდებლისათვის შუალედური აქტების და მის საფუძველზე განხორციელებული ანგარიშსწორება არ უნდა იქნას განმარტებული, როგორც გარკვეული სახის სამუშაოების საბოლოო მიღება ან/და შემსყიდველის უარი მიმწოდებლის მიერ ხელშეკრულების ყველა პირობის შესრულების მოთხოვნის უფლებაზე. შესაბამისად, მოცემული ფაქტი არ ათავისუფლებს მიმწოდებელს უხარისხოდ შესრულებული სამუშაოს გამოსწორების ვალდებულებისაგან და ყველა დანადგარზე, მასალასა თუ შესრულებული სამუშაოებზე პასუხისმგებლობისაგან.

4.4. შემსყიდველი უფლებამოსილია შეაჩეროს მიმწოდებლისათვის გადასახდელი საზღაურის გადახდა ქვემოთ მოცემული რომელიმე გარემოების დადგომის შემთხვევაში:

ა) მიმწოდებელი არ ასწორებს უხარისხოდ შესრულებულ სამუშაოს, შემსყიდველისაგან უხარისხოდ შესრულებული სამუშაოს შესახებ შეტყობინების საფუძველზე.

ბ) მიმწოდებელი არ ასრულებს მნიშვნელოვან სახელშეკრულებო მოვალეობას, რომელიც საფრთხეს უქმნის სახელშეკრულებო ვალდებულების შეთანხმებულ ვადაში ჯეროვან შესრულებას.

4.5. 4.4. პუნქტით გათვალისწინებული გარემოების მიზეზების აღმოფხვრისა და გამოსწორებისთანავე შემსყიდველი მოვალეა განახორციელოს შეჩერებული საზღაურის გადახდა. ამასთან, გადახდის ასეთი შეფერხებისათვის მიმწოდებელი არ არის უფლებამოსილი მოითხოვოს შემსყიდველისაგან რაიმე დამატებითი შესრულება.

4.6. თუ მიმწოდებელი არ გაასწორებს ან უარს განაცხადებს 4.4. პუნქტით განსაზღვრული გარემოების გამოსწორებაზე, მაშინ შემსყიდველს უფლება აქვს, დაუყოვნებლივ მოშალოს ხელშეკრულება ან/და თვითონ უზრუნველყოს ასეთი გარემოების გამოსწორება/აღმოფხვრა, რის შესახებაც ატყობინებს წერილობით მიმწოდებელს. ასეთ შემთხვევაში შემსყიდველი უფლებამოსილია გამოქვითოს მიმწოდებლისათვის გადასახდელი თანხისაგან მის მიერ გაწეული ხარჯები. ამასთან, გადახდის ასეთი შეფერხებისათვის მიმწოდებელი არ არის უფლებამოსილი მოითხოვოს შემსყიდველისაგან რაიმე დამატებითი შესრულება.

4.7. წინასწარი ანგარიშსწორების (ავანსი) გამოყენება შესაძლებელია უპირობო, გამოუთხოვადი გარანტიის წარმოდგენის შემთხვევაში (რომლის მოქმედების ვადა არანაკლებ 60 კალენდარული დღით უნდა აღემატებოდეს შესყიდვის ობიექტის მიწოდების ვადას), ხელშეკრულების

ფარგლებში 2022 წლის 20 დეკემბრის მდგომარეობით დარჩენილი შესასრულებელი სამუშაოების მოცულობის შესაბამისი ღირებულების ოდენობით.

4.8. უპირობო, გამოუთხოვადი წინასწარი ანგარიშსწორების (საავანსო) გარანტია წარმოდგენილი უნდა იქნას საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან, ეროვნულ ვალუტაში - ლარში.

4.9. ვინაიდან, დაფინანსება გათვალისწინებულია 2022 წლის ბიუჯეტში და მიმდინარე საბიუჯეტო სახსრების გაცემის უფლებამოსილება წყდება მიმდინარე წლის ბოლომდე, მიმწოდებელი იმ შემთხვევაში თუ ხელშეკრულებით გათვალისწინებულ სამუშაოებს ვერ დაასრულებს 2022 წლის 20 დეკემბრის ჩათვლით, ვალდებულია არაუგვიანეს 2022 წლის 23 დეკემბრისა წარმოადგინოს საავანსო ანგარიშსწორების უზრუნველყოფის გარანტია, ხელშეკრულების ფარგლებში დარჩენილი შესასრულებელი სამუშაოების მოცულობის შესაბამისი ღირებულების ოდენობით, წინააღმდეგ შემთხვევაში შესაძლებელია მომწოდებელთან ხელშეკრულების მოქმედება ცალმხრივად შეწყდეს, რაზედაც მომწოდებელს შემდგომში არ ექნება პრეტენზია.

5. შესრულებულ სამუშაოთა მიღება-ჩაბარების წესი

5.1. მიმწოდებლის მიერ წარმოებული სამუშაოების ტექნიკურ ზედამხედველობას ახორციელებს შემსყიდველის უფლებამოსილი პირი/პირები.

5.2. შესრულებული სამუშაოების მოცულობა, რაოდენობა და ღირებულება შუალედური/საბოლოო მიღება - ჩაბარების აქტის შედგენამდე მიმწოდებლის მიმართვით და ხარჯით უნდა დადასტურდეს სსიპ „ლევან სამხარაულის სახელობის ექსპერტიზის ეროვნული ბიურო“-ს საექსპერტო დასკვნით ან სხვა აკრედიტებული პირის დასკვნით.

5.3. შემსყიდველის მხრიდან სამუშაოების მიღება-ჩაბარებაზე უფლებამოსილი წარმომადგენლებია ხელშეკრულების შესრულების კონტროლის განმახორციელებელი პირი/პირები.

6. სამუშაოების შესრულების ვადა და ადგილი

6.1. შემსყიდველის მიერ სამუშაოების შესრულება და შესყიდვის ობიექტის მიწოდება უნდა განხორციელდეს 90 (ოთხმოცდაათი) კალენდარული დღის - 2023 წლის 11 იანვრის ჩათვლით ვადაში ხელშეკრულების დადების თარიღიდან.

6.2. სამუშაოების შესრულების დროდ ითვლება ხელშეკრულებით დადგენილი წესით დადასტურებული ინფორმაციის (ფორმა 2) შემსყიდველისთვის წარმოდგენის დღე.

6.3. შესყიდვის ობიექტის მიწოდების ადგილია: ქ. ბათუმი, რუსთაველის/ნინოშვილის ქ. №32/35, ბსუ.

6.4. იმის გათვალისწინებით, რომ წინამდებარე ხელშეკრულების 6.1. მუხლით გათვალისწინებული სამუშაოების შესრულების ვადა წარმოადგენს ხელშეკრულების არსებით პირობას, ნებისმიერი მიზეზით შესრულების ვადის გადაცილების შემთხვევაში, მიმწოდებელი მოვალეა მიიღოს ყველა მართლზომიერი ზომა, ვადის დარღვევის აღმოფხვრისათვის, მათ შორის და არა მხოლოდ, უზრუნველყოს სამუშაო პროცესი დამატებითი სამუშაო ძალებითა და ტექნიკით.

6.5. მიმწოდებელი ვალდებულია მიაწოდოს შემსყიდველს სრული ინფორმაცია სამუშაოს მიმდინარეობის შესახებ და დაიცვას ხელშეკრულებით დადგენილი ანგარიშგების მოთხოვნები.

7. მხარეთა უფლება-მოვალეობანი

7.1. შემსყიდველს უფლება აქვს:

7.1.1. პირადად ან ტექნიკური ზედამხედველის მეშვეობით შეამოწმოს სამუშაოების მიმდინარეობის შესაბამისობა წინამდებარე ხელშეკრულებით გათვალისწინებულ პირობებთან, მათ შორის ნებისმიერ დროს შეამოწმოს შესრულებული სამუშაოს ხარისხი, ასევე შეამოწმოს გამოყენებული მასალებისა და მოწყობილობების ხარისხი.

7.1.2. კონტროლის მიზნით, ნებისმიერ დროს მოითხოვოს მიმწოდებლის ან/და მისი ქვეკონტრაქტორის მიერ სამუშაოს წარმოებისას სამუშაო ადგილზე დაშვება;

7.1.3. უარი უთხრას მიმწოდებელს ყველა იმ მოწყობილობის, მასალისა და სამუშაოს გამოყენებაზე, რომელიც არ აკმაყოფილებს ხელშეკრულების მოთხოვნებს;

7.1.4. გამოუქვითოს მიმწოდებელს ნებისმიერი თანხა, რომლის მოთხოვნის უფლება წარმოეშვა წინამდებარე ხელშეკრულებიდან გამომდინარე და მიმწოდებელი არ გადაიხდის აღნიშნულ თანხას.

7.2. შემსყიდველი ვალდებულია:

7.2.1. მოახდინოს ანგარიშსწორება მიმწოდებელთან ხელშეკრულებით გათვალისწინებული ვადებისა და პირობების შესაბამისად.

7.2.2. უზრუნველყოს შესრულებული სამუშაოების მიღება ამ ხელშეკრულებით დადგენილი პირობების გათვალისწინებით;

7.3. მიმწოდებელს უფლება აქვს მოსთხოვოს შემსყიდველს შესრულებული სამუშაოების ღირებულების ანაზღაურება ხელშეკრულებით გათვალისწინებული ვადებისა და პირობების გათვალისწინებით.

7.4. მიმწოდებელი ვალდებულია:

7.4.1. დაიცვას ხელშეკრულებით გათვალისწინებული ყველა პირობა;

7.4.2. შეასრულოს სამუშაოები და ხელშეკრულების პირობები სათანადო ხარისხითა და სრული მოცულობით, ხელშეკრულების 6.1. მუხლით გათვალისწინებულ ვადაში;

7.4.3. გაითვალისწინოს შემსყიდველისა და ტექნიკური ზედამხედველის მიერ მითითებული ინსტრუქციები და შენიშვნები.

7.4.4. საკუთარი სახსრებით აღმოეჩინოს აღმოჩენილი ხარვეზი, ასევე სამუშაოების წარმოების დროს მიყენებული დაზიანებები.

7.4.5. სამუშაოთა დასრულების შემდეგ საკუთარი ხარჯით გაიტანოს ობიექტიდან მანქანები, მექანიზმები და სამშენებლო მოწყობილობა დანადგარები.

7.4.6. საკუთარი ხარჯით უზრუნველყოს ობიექტის დასუფთავება, ყველა ნარჩენის (ნაგავის) მოგროვება და გატანა სპეციალურად გამოყოფილ ადგილებზე, შესაბამისი დოკუმენტების გაფორმებით, როგორც სამუშაოების წარმოების, ასევე მათი დასრულების დროს.

7.4.7. გამოიყენოს სამუშაოების შესასრულებლად ხარისხიანი და უსაფრთხო მასალა, დეტალები და მოწყობილობები, იყოს პასუხისმგებელი მათ მიღებაზე, შენახვასა და გამოყენებაზე. წარუდგინოს შემსყიდველს ან/და ტექნიკურ ზედამხედველს შესაბამისი ინფორმაცია მასალების შესახებ.

7.4.8. სამუშაოების წარმოების პროცესში ზედმიწევნით დაიცვას მოქმედი წესები და ნორმები, კანონები, დებულებები, ნორმატიული აქტები, ბრძანებები, სათანადოდ უფლებამოსილი სახელმწიფო ორგანოების ინსტრუქციები და ბრძანებები, უსაფრთხოების ტექნიკის, პროფესიონალური უსაფრთხოების წესები, ჯანმრთელობისა და გარემოს დაცვის წესების ჩათვლით, რომლებიც მოქმედებენ ხელშეკრულების დადების მომენტისათვის ან შეიძლება იქნან მიღებული უფლებამოსილი ორგანოების მიერ ხელშეკრულების მოქმედების დროს. მიმწოდებელი პასუხს აგებს საკუთარი ქვეკონტრაქტორების მიერ ზემოთაღნიშნული მოთხოვნების დაცვაზე.

7.4.9. უზრუნველყოს სამუშაოების წარმოება კვალიფიციური, სამუშაოს შესრულებისათვის საჭირო პრაქტიკული გამოცდილების მქონე პერსონალით.

7.4.10. მიმწოდებლის პასუხისმგებლობაში შედის წინამდებარე ხელშეკრულების ფარგლებში ჩასატარებელი სამუშაოების შესასრულებლად დაქირავებული დასაქმებულების/პერსონალის უბედური შემთხვევის დაზღვევა მოქმედი კანონმდებლობის შესაბამისად, ასევე მიმწოდებელი ვალდებულია უზრუნველყოს მათთვის (დასაქმებულებისათვის /პერსონალისათვის) შრომის უსაფრთხოების წესებისა და ტექნიკის სწავლება - შრომის უსაფრთხოების ინსტრუქტაჟების ჩატარება. შესაბამისად, მიმწოდებელი პასუხისმგებელია წინამდებარე ხელშეკრულების ფარგლებში ჩასატარებელი სამუშაოების შესასრულებლად დაქირავებული დასაქმებულების/პერსონალის ჯანმრთელობისა და შრომის უსაფრთხოების დაცვაზე. მიმწოდებელი ვალდებულია

სამუშაოების შესასრულებლად უზრუნველყოს დასაქმებულები/პერსონალი ყველა საჭირო ინსტრუმენტით და მოწყობილობით, პირადი უსაფრთხოების დაცვის საშუალებებების ჩათვლით. აღნიშნული გარემოების შესაბამისად, მიმწოდებელი ვალდებულია წინამდებარე ხელშეკრულების ფარგლებში ჩასატარებელი სამუშაოების ტერიტორიაზე გამოყოს შრომის უსაფრთხოებაზე პასუხისმგებელი პირ(ები)ი. შესაბამისი მაკონტროლებელი ორგანოს მიერ, წინამდებარე ხელშეკრულების ფარგლებში მიმდინარე სამუშაოების მსვლელობისას შრომის უსაფრთხოების ნორმების დარღვევისათვის დაკისრებული ჯარიმები (ასეთის წარმოშობის შემთხვევაში) დაექვეთება მიმწოდებელს საბოლოო ანგარიშსწორებამდე შესრულებული სამუშაოების ასანაზღაურებელი თანხიდან.

7.4.11. საკუთარი ძალებითა და ხარჯით უზრუნველყოს სარემონტო ობიექტის, ამ ობიექტზე განთავსებული მის საკუთრებაში არსებული ქონების დაცვა.

7.4.12. მიმწოდებელი, საქართველოს კანონმდებლობის შესაბამისად, სამუშაოების წარმოების პროცესში, პასუხისმგებელია დანაკლისთან, შემსყიდველის ქონების დაზიანებასთან დაკავშირებულ ყველა რისკზე; იგი პასუხისმგებელია აგრეთვე, მისი და/ან შემსყიდველის დასაქმებული პირის/პერსონალის ჯანმრთელობის დაზიანებისა ან გარდაცვალებაზე, რომელიც გამოწვეული იქნება ხელშეკრულებით განსაზღვრული სამუშაოების მიმდინარეობის პროცესში დამდგარი შემთხვევების შედეგად.

8. ხელშეკრულებით ნაკისრი ვალდებულებების შესრულების კონტროლი და გარანტიები

8.1. ხელშეკრულების შესრულების კონტროლს განახორციელებს შემსყიდველის მიერ განსაზღვრული უფლებამოსილი პირი/პირები.

8.2. კონტროლი გულისხმობს მიმწოდებლის მიერ ხელშეკრულების პირობების შესრულების მიმდინარეობის კონტროლს.

8.3. გამოვლენილი ყველა ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8.4. შესრულებული სამუშაოების საგარანტიო ვადა შეადგენს 2 (ორი) წელს მხარეებს შორის საბოლოო მიღება-ჩაბარების აქტის გაფორმების დღიდან.

8.5. საგარანტიო ვადის დენა იწყება საბოლოო მიღება - ჩაბარების აქტის შედგენიდან, ხოლო ხელშეკრულების შეწყვეტის შემთხვევაში შეწყვეტის მომენტიდან.

8.6. მიმწოდებელი პასუხს აგებს საგარანტიო ვადის ფარგლებში ობიექტის შეუფერებელ ფუნქციონირებაზე. თუ საგარანტიო ვადის განმავლობაში აღმოჩნდება ნაკლი, მიმწოდებელი ვალდებულია ღებულობს საკუთარი ხარჯით აღმოფხვრას ნებისმიერი ნაკლი შემსყიდველის მიერ მითითებულ ვადაში.

8.7. მიმწოდებელი თავისი ხარჯითა და რისკით იძლევა გარანტიას:

– გამოყენებული მასალების, კონსტრუქციების, მოწყობილობების და სისტემების სათანადო ხარისხზე. მათ შესაბამისობაზე საპროექტო სპეციფიკაციებთან, სახელმწიფო სტანდარტებთან და ტექნიკურ პირობებთან, მათ უზრუნველყოფაზე შესაბამისი სერტიფიკატებით, ტექნიკური პასპორტებით და სხვა ხარისხის დამადასტურებელი დოკუმენტებით.

– სამუშაოს ხარისხზე, მის შესაბამისობაზე საპროექტო დოკუმენტაციებთან, არსებულ ნორმებთან და ტექნიკურ პირობებთან;

– შემსყიდველის მიერ მითითებულ ვადებში ნებისმიერ ნაკლის აღმოფხვრაზე.

8.8. იმისათვის, რომ თავიდან იქნას აცილებული რისკი, წარმოქმნილი მიმწოდებლის მიერ სახელმწიფო შესყიდვის შესახებ ხელშეკრულების შეუსრულებლობის გამო, გამოიყენება გარანტირების მექანიზმის შემდეგი სახე - გამოუთხოვადი, უპირობო საბანკო გარანტია №FG/22 000823 გაცემული 2022 წლის 11 ოქტომბერს ს.ს. „სადაზღვევო კომპანია ჯი პი აი ჰოლდინგი“-ს მიერ საერთო თანხით 25948,00 (ოცდახუთი ათას ცხრაას ორმოცდარვა) ლარი, მოქმედების ვადა 2023 წლის 20 აპრილის ჩათვლით.

9. პირგასამტეხლო ხელშეკრულების პირობების შეუსრულებლობისათვის

9.1. მიმწოდებელს 6.1. პუნქტით განსაზღვრული ვალდებულების დარღვევის/ შეუსრულებლობის შემთხვევაში, დაეკისრება პირგასამტეხლო ყოველ ვადაგადაცილებულ დღეზე შეუსრულებელი სამუშაოების ღირებულების 0,02%-ის (ნული მთელი ორი მესამედი) ოდენობით.

9.2. მიმწოდებელი ვალდებულია დარიცხული პირგასამტეხლოს თანხა პირგასამტეხლოს დარიცხვის შესახებ შეტყობინების მიღებიდან 5 (ხუთი) საბანკო დღის ვადაში ჩარიცხოს შეტყობინებაში მითითებულ საბანკო ანგარიშზე და წარუდგინოს შემსყიდველს აღნიშნულის დამადასტურებელი დოკუმენტი. შეტყობინება მიმწოდებელს გაეგზავნება საბოლოო ექსპერტიზის დასკვნის წარმოდგენის/შედგენის შემდეგ, ხოლო ხელშეკრულების შეწყვეტის შემთხვევაში შეწყვეტის შესახებ შეტყობინების შემდეგ, პირგასამტეხლოს გადაუხდელობის შემთხვევაში შემსყიდველის მიერ სარჩელი წარდგენილი იქნება სასამართლოში.

9.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9.4. შემსყიდველს უფლება აქვს პირგასამტეხლოს თანხა დაუკავოს/გამოუქვითოს მიმწოდებელს, ხელშეკრულებით კუთვნილი გადასახდელი თანხისაგან, თუ მიმწოდებელი უარს იტყვის მის გადახდაზე.

10. ხელშეკრულების მოქმედების ვადა, ხელშეკრულებაში ცვლილების შეტანა და ხელშეკრულების შეწყვეტა.

10.1. ხელშეკრულება ძალაშია მხარეთა მიერ მისი ხელმოწერის დღიდან.

10.2. ხელშეკრულება მოქმედებს 2023 წლის 10 ივნისის ჩათვლით, გარდა ხელშეკრულების 8.4. პუნქტით გათვალისწინებული საგარანტიო ვადებისა.

10.3. ხელშეკრულებით ნაკისრი ვალდებულებების შესრულების მოთხოვნის უფლება ძალაშია რჩება ხელშეკრულების მოქმედების ვადის გასვლის შემდეგაც.

10.4. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.5. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება კანონმდებლობით დადგენილი წესით.

10.6. ხარჯთაღრიცხვის ცვლილება შესაძლებელია:

ა) შესრულებული/შესასრულებელი სამუშაოების მოცულობების დაზუსტების გამო;

ბ) ახალი სამუშაოების დამატების გამო, რომელთა შესრულება აუცილებელია ან/და მიზანშეწონილია ობიექტის უკეთესი ექსპლოატაციის ან/და უკეთესი ხარისხის მისაღებად;

გ) გათვალისწინებული სამუშაოს ამოღების გამო, რომლის განხორციელებაც აღარაა საჭირო ან/და მიზანშეწონილი.

10.7. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულების შეუსრულებლობის წერილობითი შეტყობინების შემდეგ:

ა) თუ მიმწოდებელი არ ასრულებს ან/და არაჯეროვნად ასრულებს ხელშეკრულებით გათვალისწინებულ რომელიმე ვალდებულებას, ან/და არღვევს წინამდებარე ხელშეკრულების 6.1. პუნქტით გათვალისწინებულ ვადას.

ბ) თუ მიმწოდებელმა სამუშაოები შეაჩერა 10 (ათი) კალენდარულ დღეზე მეტი ვადით და ასეთი შეჩერება არ გამომდინარეობდა დაუძლეველი ძალის გარემოებიდან და არ იყო შეთანხმებული შემსყიდველთან;

გ) თუ მიმწოდებელი არ ახდენს ნაკლისა და ხარვეზების აღმოფხვრას შემსყიდველის მიერ განსაზღვრულ ვადაში;

დ) თუ მიმწოდებელი არღვევს ხელშეკრულებაში მითითებულ სამუშაოთა წარმოების წესებს, ინსტრუქციებს და დებულებებს;

ე) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო ეს უკანასკნელი ვერ უზრუნველყოფს ხელშეკრულებით ნაკისრი ვალდებულებების შესრულებას;

ვ) თუ არსებობს კონკრეტული საფრთხე იმისა, რომ მიმწოდებელი ვერ უზრუნველყოფს ხელშეკრულებით ნაკისრი ვალდებულებების შესრულებას, კერძოდ, თუკი გამოვლინდა, რომ ხელშეკრულების დადებიდან 10 (ათი) კალენდარული დღის განმავლობაში მიმწოდებელს არ აქვს დაწყებული ვალდებულებების შესრულების პროცესი, მიმწოდებლის მიმართ დაიწყო გადახდისუუნარობის პროცესი, მიმწოდებლის ან/და მისი ხელმძღვანელობითი, წარმომადგენლობითი ან სპეციალური უფლებამოსილების მქონე პირის მიმართ წინასწარი გამოძიების დაწყება. ასეთ შემთხვევაში, შემსყიდველს უფლება აქვს ცალმხრივად, საკუთარი შეხედულებისამებრ, წინასწარი წერილობითი შეტყობინების გარეშე, ვადაზე ადრე შეწყვიტოს ხელშეკრულება.

ზ) საქართველოს კანონმდებლობით გათვალისწინებულ სხვა შემთხვევებში.

10.8. ხელშეკრულება ასევე, შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10.9. ხელშეკრულების შეწყვეტის შემთხვევაში ასანაზღაურებელი თანხიდან გამოიქვითება პირგასამტეხლო, ხოლო დარჩენილი თანხა ანაზღაურდება. ხელშეკრულების შეწყვეტამდე მიმწოდებელს მიეცემა გონივრული ვადა წარმოადგინოს დასკვნა შესრულებულ სამუშაოებზე, რომლის წარმოდგენლობის შემთხვევაში მას აღარ აუნაზღაურდება შესრულებული სამუშაოების ღირებულება.

11. ფორს-მაჟორი

11.1. მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.

11.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

11.3. მხარე, რომელსაც შეექმნა ფორს-მაჟორული გარემოება, დაუყოვნებლივ აცნობებს ამის შესახებ მეორე მხარეს.

12. დავები და მათი გადაწყვეტის წესი

მხარეთა შორის წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ინსპექტირება და გამოცდა

შემსყიდველს უფლება აქვს უშუალოდ და/ან მესამე პირის (ტექნიკური ზედამხედველი და ა.შ.) მეშვეობით ნებისმიერ დროს განახორციელოს მოწყობილობების, მასალების სამუშაოების ინსპექტირება წინამდებარე ხელშეკრულებისა და ტექნიკური პირობის შესაბამისად.

14. უსაფრთხოების ტექნიკის პირობები

14.1. მიმწოდებელი მთელი სამუშაო პერიოდის მანძილზე პასუხისმგებელია ობიექტზე უსაფრთხოების ტექნიკის ყველა წესების დაცვაზე.

14.2. მიმწოდებელი ვალდებულია პერსონალს ჩაუტაროს პირველადი ინსტრუქტაჟი უსაფრთხოების ტექნიკის საკითხებში.

14.3. მიმწოდებელი ვალდებულია უზრუნველყოს პერსონალი ინდივიდუალური დაცვის საშუალებებით, ისეთებით, როგორიცაა ჩაჩქანი, დამცველი სათვალეები, ხელთათმანები, წაღები, სპეც. ტანსაცმელი და უზრუნველყოს სამუშაო პერიოდში მათი სწორად გამოყენება.

14.4. მიმწოდებელი პასუხისმგებელია ობიექტზე პერსონალის მიერ შრომის დაცვის და უსაფრთხოების ტექნიკის ინსტრუქციების დაცვაზე.

15. ქვეკონტრაქტორები

15.1. მიმწოდებელმა წერილობით უნდა აცნობოს შემსყიდველს წინამდებარე ხელშეკრულების ფარგლებში ქვეკონტრაქტორის აყვანის შესახებ. მიმწოდებელი ვალდებულია შემსყიდველს ასევე აცნობოს თუ რა მოცულობის სამუშაოები გადაეცემა ქვეკონტრაქტორს.

15.2. ქვეკონტრაქტორი არ უნდა იყოს რეგისტრირებული შესყიდვებში მონაწილე არაკეთილ-სინდისიერ პირთა რეესტრში – „შავი სია“.

15.3. სამუშაოების ქვეკონტრაქტორზე გადაცემით მიმწოდებელი არ თავისუფლდება ხელშეკრულებით ნაკისრი ვალდებულებებიდან.

16. სხვა პირობები

16.1. ხელშეკრულების განუყოფელ ნაწილს წარმოადგენს პროექტი, ხარჯთაღრიცხვა და სხვა დანართები.

16.2. მიმწოდებელი ვალდებულია ხელშეკრულებით გათვალისწინებული სამუშაოები განახორციელოს ხელშეკრულების პირობათა შესაბამისად, აგრეთვე მოქმედი კანონმდებლობით ასეთი სამუშაოებისათვის დადგენილი ნორმებისა და სტანდარტების სრული დაცვით.

16.3. შემსყიდველი უფლებამოსილია კანონმდებლობის მოთხოვნათა დაცვით მიმწოდებელთან შეთანხმებით შეიტანოს ცვლილებები პროექტში (ხარჯთაღრიცხვაში) ჩამოთვლილ სამუშაოთა აღწერილობაში. ამ შემთხვევაში, მხარეთა ურთიერთშეთანხმებით შედგება დამატებითი სამუშაოების წარმოების ვადა, განიხილება ამ სამუშაოების საფასური და მხარეთა შორის გაფორმდება დამატებითი შეთანხმება.

16.4. შემსყიდველი იტოვებს უფლებას გაზარდოს ან შეამციროს შესასრულებელი სამუშაოების მოცულობა. ასეთი ცვლილებების თაობაზე მხარეები შეთანხმდებიან დამატებით.

16.5. მიმწოდებელი ვალდებულია აანაზღაუროს ხელშეკრულების მოქმედების პერიოდში მის მიერ მოხმარებული კომუნალური მომსახურების საფასური; მიმწოდებელმა უნდა უზრუნველყოს და ორგანიზება გაუკეთოს მშენებლობაზე ელექტრო ენერგიის და წყლის მიწოდებას და შეძენას და სხვა მომსახურებას.

16.6. მიმწოდებელი ვალდებულია დადგენილი წესით აწარმოოს ფარული სამუშაოების აქტები და წარუდგინოს შემსყიდველს შესრულებული სამუშაოების შესახებ ინფორმაციასთან ერთად. აქტების წარუდგენლობის ან ნაწილობრივ წარდგენის გამო ექსპერტიზის დასკვნით გარკვეული სამუშაოების არ ჩათვლის/არ მიღების გამო მიმწოდებელს პრეტენზია შემსყიდველთან ვერ ექნება.

16.7. ხელშეკრულებით გათვალისწინებული სამუშაოები სრულდება მიმწოდებლის მასალით, რომელიც იქნება ახალი (არამეორადი), მაღალი ხარისხის და დააკმაყოფილებს თანამედროვე ტექნოლოგიების მოთხოვნებს.

16.8. სამუშაოების პროცესში მიმწოდებელი ვალდებულია მინიმუმამდე დაიყვანოს მუშაობით გამოწვეული ხმაურის, ვიბრაციისა და მტერის გავლენა.

16.9. მიმწოდებელი ვალდებულია სამუშაოების შესრულების დროს გამოიყენოს მხოლოდ ის მასალები, რომელთა ხარისხი შეესაბამება საქართველოში აღიარებულ სტანდარტებსა და ნორმებს, წინააღმდეგ შემთხვევაში შემსყიდველი უფლებამოსილია არ ჩაიბაროს ჩატარებული სამუშაოები;

16.10. მიმწოდებელი ვალდებულია აღადგინოს სამუშაოების წარმოების პროცესში მისი მიზეზით დაზიანებული ინფრასტრუქტურა;

16.11. სარემონტო სამუშაოების მიმდინარეობის ეტაპზე, შემსყიდველს ან შემსყიდველის უფლებამოსილ პირს მიაწოდოს სრული ინფორმაცია მწარმოებლიდან ან მიმწოდებლიდან სამუშაოებში გამოსაყენებელი და სარემონტო მოედანზე მისატანი მასალების ფასებზე და ტექნიკურ მახასიათებლებზე.

16.12. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

16.13. არც ერთ მხარეს არა აქვს უფლება მესამე პირს სრულად გადასცეს თავისი უფლებები და მოვალეობები, მეორე მხარის წერილობითი თანხმობის გარეშე.

16.14. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

16.15. მხარეებს წინამდებარე ხელშეკრულების ფარგლებში ნებისმიერი შეტყობინება შეიძლება გაეგზავნოთ მათ ელექტრონულ მისამართზე, რომელიც დაფიქსირებულია სახელმწიფო შესყიდვების ერთიან ელექტრონულ სისტემაში ან/და სამეწარმეო რეესტრში. შეტყობინება ჩაბარებულად ითვლება შეტყობინების გაგზავნიდან მეორე სამუშაო დღეს.

16.16. ხელშეკრულება შედგენილია ქართულ ენაზე, ელექტრონულად. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17. მხარეთა რეკვიზიტები

„შემსყიდველი“

საჯარო სამართლის იურიდიული პირი -
ბათუმის შოთა რუსთაველის სახელმწიფო
უნივერსიტეტი
მის.: ქ. ბათუმი, ნინოშვილის ქ. №35
ს.ნ. 245 428 158
ბანკი - სახელმწიფო ხაზინა ბ/კ: TRESGE22
მიმღების დასახელება - ხაზინის
ერთიანი ანგარიში

ბსუ-ს ადმინისტრაციის
ხელმძღვანელი

იაკინთე ჩხარტიშვილი

„მიმწოდებელი“

შპს „ლეგიონი“

მის: ქობულეთია მუნიციპალიტეტი,
სოფ. ხუცუბანი
ს.ნ. 446979743
ს.ს. „პროკრედიტ ბანკი“
ბ.კ. MIBGGE22
№GE05PC0033600100055094

შპს „ლეგიონი“-ს
დირექტორი

გიორგი დოლბაია

ფასების ცხრილი

ლოკალურ-რესურსული ხარჯთაღრიცხვა N1

ქ. ბათუმში ნინოშვილის/რუსთაველის ქ. #35/32 - ში, მდებარე ბსუ-ს შენობის,
ეზოს სრულ რეაბილიტაციაზე
ტერიტორიის კეთილმოწყობა

№	სამუშაოებისა და დანახარჯების დასახელება	ზომის ერთეული, რაოდენობა		ერთეულის ფასი	საერთო ფასი
1	არსებული დაზიანებული ბეტონის ფილების დემონტაჟი	მ²	5565,00	1,00	5 565,00
2	არსებული ბორდიურების დემონტაჟი	გ/მ	325,00	1,00	325,00
3	არსებული, ასფალტის საფარის აყრა - დამტვრევა (715კვმ)	მ³	42,90	10,00	429,00
4	დემონტირებული ფილების და ბორდიურების დატვირთვა ხელით ავტოთვიტმცლელზე	ტ	921,24	3,00	2 763,72
5	დემონტირებული ფილების და ბორდიურების გატანა 2კმ მანძილზე	ტ	921,24	1,50	1 381,86
6	ფილების და ბორდიურების გადმოტვირთვა ავტოთვიტმცლელიდან დასაწყობება	ტ	921,24	6,00	5 527,44
7	სამშენებლო ნარჩენების დატვირთვა (ასფალტის საფარი) ავტოთვიტმცლელზე, ექსკავატორით	მ³	42,90	3,00	128,70
8	სამშენებლო ნარჩენების (ასფალტის საფარი) გატანა 10 კმ მანძილზე	ტ	76,68	3,50	268,38
9	შემასწორებელი პირველი ფენის მოწყობა - ქვიშა-ხრემოვანი ნარევით (ქარხნულად დამუშავებული) სისქე 10 სმ, მექანიზირებული წესით დატკეპვნა, დახრებით სანიაღვრე ჭეხის მიმართულებით (ფართის 80%) 5575*0,8*0,1	მ³	446,00	32,00	14 272,00
10	შემასწორებელი მეორე ფენა- ქვიშით (ქარხნულად დამუშავებული) სისქე 5 სმ, მექანიზირებული წესით დატკეპვნა (ფართის 80%) 5575*0,8*0,05	მ³	223,00	48,00	10 704,00
11	შემასწორებელი პირველი ფენის მოწყობა ხელით, ქვიშა-ხრემოვანი ნარევი (ქარხნულად დამუშავებული) სისქე 10 სმ, დატკეპვნა (ფართის 20%) 1115*0,1	მ³	111,50	32,00	3 568,00
12	შემასწორებელი მეორე ფენის მოწყობა ხელით - ქვიშა (ქარხნულად დამუშავებული) სისქე 5 სმ, დატკეპვნა (ფართის 20%) 1115*0,05	მ³	55,75	48,00	2 676,00
13	გრუნტის ამოღება ხელით ბორდიურის მოსაწყობად 1504,15*0,15*0,15	მ³	33,84	15,00	507,60
14	საფუძვლის მოწყობა ღორღით	მ³	22,56	32,00	721,92
15	დამუშავებული ბაზალტის ბორდიურების მოწყობა 30X15 სმ - ბეტონის საფუზველზე	გ/მ	1504,15	41,00	61 670,15

16	შავი (გაცრილი) მიწის შეტანა ნარგავებთან	მ³	32,60	28,00	912,80
17	ფერადი (სხვადასხვა ფერის) ვიბროდაწნეხილი, ბეტონის გარე სივრცის ფილების მოწყობა სისქე 80მმ	მ²	5365,00	33,00	177 045,00
18	თეთრი ფერის კედლის მონტაჟი, 1000*100*820 მმ - დამზადებული მარმარილოსა და კირქვისაგან 1-2 მმ, გრანულებისგან ჩამოსხმული - 4	გ/მ	10,50	435,00	4 567,50
19	თეთრი ფერის ქვის მრგვალი სკამის მონტაჟი, 2000*500*620 მმ - დამზადებული მარმარილოსა და კირქვისაგან 1-2 მმ, გრანულებისგან ჩამოსხმული - 5	გ/მ	57,50	660,00	37 950,00
20	ქვის ზურგიანი სკამის მონტაჟი, 1800*700*720 მმ - დამზადებული მარმარილოსა და კირქვისაგან 1-2 მმ, გრანულებისგან ჩამოსხმული, დასაჯდომ ადგილზე ღარები - 9	ცალი	6,00	1 220,00	7 320,00
21	ქვის ზურგიანი სკამის მონტაჟი, 1800*500*450 მმ - დამზადებული მარმარილოსა და კირქვისაგან 1-2 მმ, გრანულებისგან ჩამოსხმული, დასაჯდომ ადგილზე WPC ძელაკებით -10	ცალი	5,00	585,00	2 925,00
22	ქვის ზურგიანი სკამის მონტაჟი-საყვავილით საყვავილეს დიამეტრი 1500 მმ, გარე საჯდომ ადგილას დიამეტრი 2500*750 - დამზადებული მარმარილოსა და კირქვისაგან 1-2 მმ, გრანულებისგან ჩამოსხმული, დასაჯდომ ადგილზე WPC ძელაკებით - 11	ცალი	2,00	2 450,00	4 900,00
23	ბორდიურის მონტაჟი, 000*150*400 მმ - დამზადებული მარმარილოსა და კირქვისაგან 1-2 მმ, გრანულებისგან ჩამოსხმული -12	გ/მ	98,50	75,00	7 387,50
24	სანაგვე ურნა დამზადებული WPC ძელაკებით, დიამეტრი 4500 მმ სიმაღლე 600 მმ -13	ცალი	15,00	235,00	3 525,00
25	ბეტონის ფილის მოწყობა ბეტონი B-20 (სისქე 10სმ) ლითონის ბადით დ-3 მმ უჯრედით 50X30 მმ	მ³	7,00	180,00	1 260,00
26	ლითონის ბადით დ-3 მმ უჯრედით 50X50 მმ	მ²	70,00	8,00	560,00
27	ცემენტის მჭიმის მოწყობა სისქე 50 მმ	მ²	70,00	8,00	560,00
28	კერამიკული ფილების მოწყობა (1*1მ) ყინვაგამძლე წებო-ცემენტზე (64 ც)	კვ.მ	70,00	60,00	4 200,00
29	ლითონის მილკვადრატები 80*80*4 მმ მაგიდის სადგამი კარკასის მოწყობა	ტნ	0,144	3 100,00	446,40
30	ლითონის ფურცელი სისქე 6მმ, სადგამის ქუსლის მოწყობა	ტნ	0,0019	3 500,00	6,65
31	ლითონის კონსტრუქციების გაწმენდა დაგრუნტვა	მ²	4,25	5,00	21,25
32	ლითონის კონსტრუქციების შეღებვა ანტიკოროზიული საღებავით	მ²	4,25	8,00	34,00
33	დამუშავებული, გამოხარშული წიწვოვანი ხის მასალა მაგიდისათვის	მ³	0,15	920,00	138,00
34	ხის კონსტრუქციების ცეცხლდაცვა	მ³	0,15	200,00	30,00
35	ხის ელემენტების ანტისეპტირება	მ²	6,00	10,00	60,00

36	ხის მასალის მოხვეწა	კვ.მ	6,00	10,00	60,00
37	ხის მასალის გალაქვა მაღალხარისხოვანი ლაქით ორჯერ	კვ.მ	6,00	10,00	60,00
38	მზის პანელი:(USB - პორტები (2ც), ნათურა 12ვტ (4ც), სადენი (15-20))	კომპლ	1,00	750,00	750,00
39	გრუნტის მოჭრა ექსკავატორით ტერიტორიაზე, ჩამჩის ტევადობა 0,5მ3 დატვირთვა ავტოთვითმცლელზე	მ³	255,00	4,00	1 020,00
40	გრუნტის მოჭრა ხელით (10%)	მ³	25,50	15,00	382,50
41	ტერიტორიის შევსება ქვიშახრეშოვანი ნარევით სმ, მექანიზირებული წესით დატკეპვნა, დახრებით	მ³	255,00	32,00	8 160,00
42	შემასწორებელი პირველი ფენის მოწყობა - ქვიშახრეშოვანი ნარევით (ქარხნულად დამუშავებული) სისქე 10 სმ, მექანიზირებული წესით დატკეპვნა, დახრებით 1000კვმ	მ³	100,00	32,00	3 200,00
43	შემასწორებელი მეორე ფენა- ქვიშით (ქარხნულად დამუშავებული) სისქე 5 სმ, მექანიზირებული წესით დატკეპვნა	მ³	50,00	48,00	2 400,00
44	არსებული ბეტონის ფილების დაგება	მ²	1000,00	8,00	8 000,00
ხარჯთაღრიცხვა №1-ის ჯამური ღირებულება					388 390,37

ლოკალურ-რესურსული ხარჯთაღრიცხვა N2

ქ. ბათუმში ნინოშვილის/რუსთაველის ქ. #35/32 - ში, მდებარე ბსუ-ს შენობის, ეზოს სრულ რეაბილიტაციაზე

კანალიზაცია

№	სამუშაოებისა და დანახარჯების დასახელება	ზომის ერთეული, რაოდენობა		ერთეულის ფასი	საერთო ფასი
1	გრუნტის ამოღება ექსკავატორით ჩამჩის ტევადობა 0,5მ3 დატვირთვა ავტოთვითმცლელზე	მ³	94,40	4,00	377,60
2	გრუნტის ამოღება ხელით (10%)	მ³	9,44	15,00	141,60
3	მიწის საფუძვლის მოწყობა და ზევიდან დაყრა ქვიშის დატკეპვნა (20სმ)	მ³	13,60	48,00	652,80
4	გოფირებული საკანალიზაციო მიწის მოწყობა d-250 მმ SN - 8	გრძ/მ	236,00	62,00	14 632,00
5	უკუჩაყრა ქვიშა-ხრეშოვანი ნარევი	მ³	67,50	32,00	2 160,00
6	III კატეგორიის გრუნტის ამოღება ხელით ჭების მოსაწყობად 15ც	მ³	19,50	15,00	292,50
7	ბეტონის საკანალიზაციო ჭის მოწყობაბეტონი B-20 15ც	მ³	19,50	200,00	3 900,00
8	ხუფის მოწყობა 600X600 მმ-ზე ჭაზე	კომპლ	15,00	350,00	5 250,00
9	ჭის ჰიდროიზოლაცია ბიტუმის მასტიკით	მ²	90,00	1,00	90,00
10	მიწის ჩართვა ჭებში	ჩართვა	10,00	5,00	50,00
11	ზედმეტი გრუნტის გატანა 10 კმ მანძილზე	ტ	163,15	3,50	571,03
ხარჯთაღრიცხვა №2-ის ჯამური ღირებულება					28 117,53

ლოკალურ-რესურსული ხარჯთაღრიცხვა N3
ქ. ბათუმში წინოშვილის/რუსთაველის ქ. #35/32 - ში, მდებარე ბსუ-ს შენობის,
ეზოს სრულ რეაბილიტაციაზე

ელ. გაყვანილობა (მიწისქვეშა ბსუ-ს ეზო)

№	სამუშაოებისა და დანახარჯების დასახელება	ზომის ერთეული, რაოდენობა		ერთეულის ფასი	საერთო ფასი
1	სპილენძის მარღვიანი სადენების მოწყობა კვეთით 3X4კვ.მმ	გ/მ	675,00	6,00	4050,00
2	გოფირებული ცეცხლგამძლე მილი დიამ.50 მმ	გ/მ	675,00	3,10	2092,50
3	სადენების მიწისზედა იზოლირებული თუჯის ხუფი, სამაგრებით	ც	25,00	25,00	625,00
4	გრუნტის ამოღება ხელით	მ³	101,25	15,00	1518,75
5	არხში სილის საფარის მოწყობა	მ³	20,25	48,00	972,00
6	საკაბელო ტრასის მაჩვენებელი ლენტა	გრძ/მ	675,0	0,90	607,50
7	არსებული გრუნტის უკუჩაყრა	მ³	101,25	6,00	607,50
ხარჯთაღრიცხვა №3-ის ჯამური ღირებულება					10 473,25
საერთო ჯამი - ხარჯთაღრიცხვა №1+№2+№3					426 981,15
რეზერვი გაუთვალისწინებელ სამუშაოებზე				3%	12 809,43
ჯამი					439 790,58
დ.ღ.გ				18%	79 162,30
სულ ჯამი - ხუთას თვრამეტი ათას ცხრაას ორმოცდათორმეტი ლარი და 88 თეთრი					518 952,88

ხელშეკრულების შესრულების საგარანტიო უზრუნველყოფა
(საბანკო გარანტია)

FG/22 000823

ვის: სსიპ ბათუმის შოთა რუსთაველის სახელმწიფო უნივერსიტეტს

მხედველობაში ვიღებთ რა, რომ შპს „ლეგიონი“-მ (ს/კ: 446979743), შემდგომში "მიმწოდებელი", სსიპ ბათუმის შოთა რუსთაველის სახელმწიფო უნივერსიტეტის წინაშე იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით (სსიპ ბათუმის შოთა რუსთაველის სახელმწიფო უნივერსიტეტის შენობის, ქ. ბათუმი, რუსთაველი/ნინოშვილის ქ. №32/35-ში მდებარე ეზოს სრული სარეაბილიტაციო სამუშაოები, NAT220018920) მის მიერ მოთხოვნილ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით არაუმეტეს თანხაზე 25 948,00 (ოცდახუთი ათასი ცხრაასორმოცდარვა) ლარი და ვკისრულობთ უპირობო, გამოუთხოვად ვალდებულებას ზემო აღნიშნული თანხის გადახდაზე მიმწოდებლის მიერ სსიპ ბათუმის შოთა რუსთაველის სახელმწიფო უნივერსიტეტთან დადებული ხელშეკრულებით ნაკისრი ვალდებულების დარღვევის საფუძველზე თქვენი პირველივე წერილობითი მოთხოვნის მიღებისთანავე (არაუგვიანეს 5 (ხუთი) სამუშაო დღისა), თქვენს მოთხოვნაში მიმწოდებლის მიერ ხელშეკრულების პირობების დარღვევის თაობაზე მითითების საფუძველზე, თქვენი მხრიდან მოთხოვნის ან მოთხოვნილი თანხის დასაბუთების საჭიროების გარეშე.

საგარანტიო უზრუნველყოფა ძალაშია 2022 წლის 11 ოქტომბრიდან 2023 წლის 20 აპრილის ჩათვლით. საგარანტიო ხელშეკრულების ვადის გასვლის შემდგომ მოთხოვნა საგარანტიო თანხის გადახდაზე სსიპ ბათუმის შოთა რუსთაველის სახელმწიფო უნივერსიტეტის მხრიდან აღარ მიიღება.

გარანტია გაიცემა გარანტსა და პრეტენდენტს შორის 2022 წლის 14 თებერვალს გაფორმებული მომსახურების გენერალური ხელშეკრულების №GA 104/22 საფუძველზე.

გარანტი

სს სადაზღვევო კომპანია ჯი პი აი ჰოლდინგი
საიდენტიფიკაციო კოდი: 204426674,
კოსტავას ქ. 67, თბილისი 0160

გენერალური დირექტორის პაატა ლომაძის და
ფინანსური დირექტორის ლევან ზუროშვილის
მინდობილი პირი,

ავთანდილ ავლოხაშვილი

თარიღი: 11.10.2022

